

B V L L A

no. 4

S. D. N. CLEMEN-  
TIS PAPÆ VIII.

Pro facultatibus Illustrissimi ac Reueren-  
dissimi Domini Cardinalis Placentini,  
Legati de Latere ad Regnum  
Franciae.



P A R I S I I S,


Apud Robertum NIVELLE, via Iacobæa.

E T

Apud Rolinum THIERRY, via Iacobæa,  
sub signo Lilij albi.

M. D. XCII.

CUM PRIVILEGIO,





S. D. N. CLEMEN-  
TIS PAPÆ VIII.

Pro Facultatibus Illustrissimi ac Reue-  
rendissimi Domini Cardinalis Pla-  
centini, Legati de Latere ad  
Regnum Franciæ.



LEMENS Episcopus,  
Seruus seruorum Dei, di-  
lecto filio Philippo tituli  
sancti Honuphrij Presby-  
tero Cardinali Placentino  
nuncupato, in Regno Frã-  
ciæ nostro, & Apostolicæ  
Sedis de Latere Legato, Salutem & Apostolicā  
benedictionem.

Decet Romanum Pontificem Apostolicæ Se-  
dis Legatos, eos præsertim, qui ad præcipua Chri-  
stianæ Reipublicæ Regna, eorūmq; Prouincias,  
è latere destinātur, priuilegiis Apostolicis, quā-  
tum locorum & temporum ratio requirit, cu-  
mulatè prosequi: ut ipsi illis suffulti possint, in  
functione muneris sui, benignitatem eiusdem  
Sedis erga eius fideles & deuotos, cum venerit

usus, liberaliter impartire. Proinde cum Te ho-  
 die in Regno Franciæ, illiusque Prouinciis, Do-  
 miniis, Ducatibus, Ciuitatibus, & locis eidem  
 Regno subiectis, & cæteris aliis, ad quæ Te, oc-  
 casione Legationis huiusmodi, declinare conti-  
 gerit, ex certis rationabilibus causis animum  
 nostrum mouentibus, ac pro tractandis grauif-  
 simis negotiis, ad ipsius Regni pacem, concor-  
 diam, & tranquillitatem, ac præsertim in eo Ca-  
 tholicæ Religionis conseruationem pertinenti-  
 bus, Nostrum & Sedis Apostolicæ de latere  
 Legatum, de venerabilium fratrum Nostrorum  
 S. R. E. Cardinalium consilio, auctoritate A-  
 postolica duxerimus constituendum, prout in  
 nostris inde confectis Literis plenius contine-  
 tur: Nos quoq; , ut Regni personarum, & locorum  
 eorundem salutem, & statui, operam tuam consula-  
 tur, hoc Legationis tue munus specialibus fa-  
 cultatibus prosequendum censuimus: ut illis,  
 iuxta datam tibi à Domino prudentiam, utaris  
 moderatè, ac prudenter, ad Dei gloriam, populo-  
 rum solatium, & edificationem, ipsiusque Sedis  
 dignitatem, prout in Domino uideris expedire.

Quare, ut commissio tibi Legationis huius-  
 modi officio efficacius intendere, & erga perso-  
 nas benemeritas, tibi que gratas, & acceptas, &  
 huic Sæctæ Sedi deuotas, Te utilem, gratiosum,  
 & benignum reddere possis, Circumspectioni



tua, per Te, vel alium seu alios viros probos, & idoneos, quasunque Ecclesias, etiam Primatiales, Metropolitanas, & alias Cathedrales, ac Collegiatas, & Parrochiales, necnon Monasteria, tam virorum quam mulierum, Prioratus, Præposituras, & loca secularia; ac etiam sancti Benedicti, Cluniacensis, Cisterciensis, Præmonstratensis, Grandimontensis, Fontiseubrandi, ac quorumvis aliorum Ordinum, etiam Mendicantium, necnon Institutorum, & Congregationum, quarumcunque Regularium, necnon Hospitalia, etiam exempta, dictæque Sedi immediate subiecta, vel quocunque alio privilegio suffulta, eorumque Capitula, Conuentus, Vniuersitates, Collegia, & personas, tam seculares, quam regulares, etiam ut præfertur exemptas, & subiectas, quoties tibi videbitur, Apostolica auctoritate, iuxta sacros Canones, & Decreta sacri generalis Concilij Tridentini, visitandi, corrigendi, &, tam in capite, quam in membris, reformandi: ac illas, & illa in eorum pristinum statum, formam, regulas, & instituta, vitam, ac disciplinam, & obseruantiam regularem, restituendi, ac redigendi, atque alias prouidendi & statuendi.

Necnon, prout occasio, rerumque qualitas exegerit, Constitutiones, Consuetudines, ac mores, & alia quæcunque, quæ mutatione, corre-

Etione, emendatione, reuocatione, & renouatione, vel etiam ex integro editione, indigere cognoueris, mutandi, corrigendi, emendandi, reuocandi, ac etiam renouandi, atque etiam de nouo edendi: vel etiam iam edita promulgandi, & confirmandi, & debite executioni mandari faciendi: dummodo iisdem sacris Canonibus, & Concilij Tridentini Decretis non aduersentur.

Abusus quoscunque, & prauos mores, & Consuetudines tollendi, & abrogandi, ac in personas tam seculares, quam regulares, etiam Medicantes, & quomodolibet exemptas, & priuilegiatas, male viuentes, seu relaxatas, atque ab earum institutis deuiantes, seu alias quomodolibet delinquentes, diligenter inquirendi, corrigendi, emendandi, coercendi, & puniendi, vel ad debitum, & honestum vite modum reuocandi, prout iustitia suaserit, & ordo dictauerit rationis, & quicquid inde statueris, & ordinaueris perpetuo observari faciendi.

Contra inobedientes, falsarios, usurarios, raptores, incendiarios, ac alios criminosos, & delinquentes quoscunque, etiam exemptos, eorumque fautores, & receptatores, cuiuscunque dignitatis, ordinis, & conditionis fuerint, per viam accusationis, vel denunciationis, etiam ex officio, ac etiam summarie, simpliciter, & de plano, ac sine strepitu, & figura iudicij, similiter in-



quirendi, & procedendi, reosque, prout canonice requirunt sanctiones, & alias tibi videbitur expedire, puniendi.

Insuper prædictorum criminum, & alias quas-  
cunque criminales, civiles, matrimoniales, &  
beneficiales, meras & mixtas, Ecclesiasticas &  
profanas, seu alias ad forū Ecclesiasticū quomo-  
dolibet pertinentes causas, præterquā in prima  
instantia, nisi per appellationem ab irreparabili  
grauamine, vel sententia vim diffinitivā ha-  
bēte, tam per viam recursus, vel simplicis que-  
relæ, quā etiam quarumcunque appellationū,  
à quibuscumque Iudicibus ordinariis, & etiam  
à Sede prædicta delegatis, interpositarum, & di-  
cta durante Legatione interponendarum vigo-  
re, ac alias quomodolibet pro tempore deuolu-  
tas, & deuoluendas, motas & mouendas, cum  
omnibus earū incidentibus, depēdentibus, emer-  
gentibus, annexis & connexis, etiam summa-  
riè, simpliciter, etiam de plano, ac sine strepitu  
& figura iudicij, sola facti veritate inspecta,  
terminisque substantialibus, etiam unico con-  
textu seruatis, vel illorum loco, præfixo termi-  
no arbitrio tuo; audiendi, cognoscendi, & sine  
debito, prout iuris fuerit, terminandi.

Et ad hunc, cæterorumque contingentium  
effectum, quoscunque, etiam per edictum pu-  
blicum, constituto prius, etiam summarie, & ex-

iraiudicialiter, de non tuto ad illos accessu, ci-  
 tandi & monendi, eisque, ac etiam quibusvis  
 Iudicibus, ceterisque personis, quibus & quo-  
 ties opus fuerit, etiam per simile edictum, ac etiā  
 sub censuris Ecclesiasticis, & aliis tuo vel dele-  
 gatorum tuorum arbitrio infligendis, imponen-  
 dis, moderandis, & applicandis penis, inhiben-  
 di, & cōtra eos & alios, prout opus fuerit, pro-  
 cedendi & exequendi: ac contra eosdem & a-  
 lios inobedientes, contumaces, & rebelles quos-  
 cunque, censuras & pœnas prædictas, etiam  
 iteratis vicibus, aggrauandi, interdictum Ec-  
 clesiasticum apponendi, & relaxandi, auxi-  
 liumque brachij secularis inuocandi: Seu causas  
 ipsas alij, vel aliis idoneis personis in dignitate  
 Ecclesiastica constitutis, modo & forma præ-  
 missis, ac cū simili, vel limitata potestate, præ-  
 terquā in eadem prima instantia, ut supra, pa-  
 riter audiendas, & ut præfertur terminandas  
 committendi, & delegandi: Quasunque per-  
 sonas aduersus sententias, res iudicatas, & con-  
 tractus quosunque in integrum, prout iuris  
 fuerit restituendi: Iuramenta quæcumque, ad  
 effectum agendi duntaxat, ex causa relaxandi:  
 Quosunque à quibusvis censuris, & pœnis,  
 simpliciter, vel ad cautelam, si, & postquam  
 congruè, prout debent, tam partibus, quàm Iu-  
 dicibus satisfecerint, ac prout iuris fuerit, ab-  
 soluendi.

Præterea



Præterea quoscunque ad Te recurrentes, qui homicidium etiam voluntarium, sacrilegium, Symoniam, & periurij reatum, quomodocunque commiserint: qui bellis interfuerint: qui manus violentas in Clericos & Presbyteros, Inō tamen Episcopos, vel superiores Prelatos, nec in fauorem hæresis, aut hæreticorum, iniecerint: necnō qui, ratione beneficiorum Ecclesiasticorum, per eos obtentorum, horas canonicas non recitaue-  
rint: vel qui infra tempus à iure statutum, vel in fundatione, aut aliàs requisitum, se ad sacros Ordines promoueri non fecerint: & qui ante legitimam ætatem ad sacros Ordines, sine dispensatione Apostolica, vel sine dimissoriis sui Ordinarij, aut extra tempora à iure statuta, aut per saltum, aut aliàs ex quauis causa, malè promoueri se fecerint: quique beneficia Ecclesiastica incompatibilia, etiam contra Constitutionem fe: re: Ioannis PP. 22. prædecessoris nostri, quæ incipit, Execrabilis, aut aliàs indebitè detinuerint, etiam si ipsi, ac etiam alij quicunque, ex aliis quibuscunque causis, fructus Ecclesiasticos indebitè quomodocunque perceperint.

Et præterea eos, qui adulterium, incestū, fornicationem, & aliud quodcunque peccatum carnis perpetraverint, necnon Literarum, & Supplicationum Apostolicarum falsarios, usurarios, raptores, incendiarios, & aliorum quo-

rumcunque criminum ad forum Ecclesiasticum  
 pertinentium reos, tam Clericos quam Laicos,  
 si hoc à Te humiliter petierint; homicidas vo-  
 luntarios videlicet, ac in susceptis Ordinibus  
 Simoniacos clericos, eis ab altaris ministerio  
 perpetuo; ante ætatem verò legitimam promo-  
 tos, tandiu ab executione suorum ordinum, quã-  
 to ante ætatem promoti fuerunt, & amplius,  
 arbitrio tuo, suspensis; alios verò simoniæ labe,  
 occasione beneficiorum infectos, beneficiis ipsis  
 prius realiter & cū effectu dimissis; & qui be-  
 neficia contra dictam Constitutionem Exc-  
 crabilis, aut aliàs indebitè detinuerint, illis pa-  
 riter dimissis, necnon qui fructus Ecclesiasticos  
 indebitè perceperint, illis, pro facultate impe-  
 trantium, arbitrio tuo, Ecclesiis & locis unde  
 profecti sunt, restitutis, vel in pauperes eroga-  
 tis, vel etiam ipsis impetrantibus, in toto vel  
 in parte, remissis; usurarios verò, facta primū  
 debita usurarum restitutione; falsarios autem,  
 incendiarios, & raptos, facta condigna satis-  
 factione, aliòsque iniunctis pœnitentiis saluta-  
 ribus, aliisq; iniungendis, in utroque foro ab-  
 soluendi.

Necnon cum omnibus & singulis prædictis,  
 super irregularitate per eos, præmissorum occa-  
 sione, vel aliàs quomodolibet, præterquam ex  
 causa homicidij voluntarij, Simonie realis, Bi-



gamie, & defectus natalium contracta, siue ex eo quod huiusmodi sententiis, censuris, & poenis ligati, diuinus, non tamen in contemptum clauium, se immiscuerint: quodque ea non obstante, nisi aliud canonicum impedimentum obsistat, promoueri possint ad reliquos sacros, etiam Presbyteratus ordines, seruata forma Concilij Tridentini, & in illis promoti, in altaris ministerio ministrare, ac quaecunque alia beneficia Ecclesiastica cum cura, & sine cura obtinere, & retinere, dummodo plura non sint, quam quae iuxta Concilij Tridentini Decreta permittuntur, dispensandi; inhabilitatis, & infamiae macula, siue notam contra eos insurgentem abolendi, & eos in pristinum, ac eum in quo antea erat statum, restituendi: sed & apostatas ab ordine, seu religione, postquam ad ouile redierint, vel, si necessitas aut utilitas postulauerit, ad alios ordines pares, vel strictiores transferint, etiam in utroque foro similiter absoluedi, & cum illis, super irregularitate per eos propterea contracta dispensandi.

Necnon quoscunque alios utriusque sexus, tam seculares, quam cuiusuis Ordinis regulares, in omnibus & quibuscunque aliis casibus, tam Ordinariis locorum, quam dictae Sedi quomodolibet reseruatis, etiam contentis in Literis de Coenae Domini legi consuetis, ab excommuni-

cationis, aliisque sententiis, censuris Ecclesiasticis, quas propterea quomodolibet incurrerint præterquam tamen in casu hæresis, & schismatis, & iniectiois manuum violètarum in personas Episcoporum, & superiorum Prælatorum, salutaribus pœnitentiis iniunctis, ac aliis iniungendis, in utroque foro per Te, vel alium, seu alios à Te deputandos, similiter absoluendi.

Insuper ut quibusvis in ætate legitima, constitutis, & aliis idoneis Clericis, qui competenter beneficiati, & adeò arctati fuerint, ratione beneficiorum per eos obtentorum, ut si tempora à iure statuta expectarent, beneficia ipsa, propter eorum non promotionem, vacarent; ut ad titulum beneficii huiusmodi, vel etiam, ubi Ecclesiarum & locorum necessitas, & utilitas postulauerit, iuxta prædicti Cœcilij Tridentini Decretum, ut ad titulum patrimonij, etiam ad sacros, & Presbyteratus ordines, à suo Episcopo in unitate fidei, & Apostolicæ Sedis obedientia, perseverante, vel cum eiusdem dimissoriis Literis à quocunque alio maluerit Catholico Antistite gratiam & communionem Sedis Apostolicæ habente, extra Romanam Curiam, & in propria diocesi residente, etiam quo ad sacros ordines, quibusvis tribus Dominicis, vel tribus festis de præcepto diebus, extra tempora à iure statuta, promoueri, & in illis sic



promoti etiam in altaris ministerio, ministrare possint, licentiam & facultatem tribuendi & concedendi.

Ulterius, quasuis personas, quæ inuicem in secundo & tertio mixto, vel tertio, vel quarto, simplici, vel in tertio & quarto mixto consanguinitatis, vel affinitatis gradibus, coniunctæ sunt, & sese attinentes, Matrimonium de facto, scienter, vel ignoranter, de præterito, siue hæctenus contraxerunt, ac etiam copula carnali subsequuta consumarunt, ab incestus reatu, & excommunicationis, aliisque Ecclesiasticis censuris, & pœnis propterea incursis, iniunctis tamen pœnis salutaribus, in utroque foro absoluerendi, atque cum illis, ut impedimento tertij vel quarti simplicis, aut tertij & quarti mixti consanguinitatis, aut affinitatis graduum huiusmodi non obstante; in iam contracto matrimonio remanere, vel illud de nouo contrahere, ac in facie Ecclesiæ de nouo solemnizare, iuxta decretum memorati Concilij Tridentini, liberè & licitè valeant; dummodo tamen mulieres propter hoc raptæ non sint, & gratis, & absque ulla omnino mercede, aut munere etiam sponte oblato, prolem exinde susceptam & suscipiendam legitimam decernendo, dispensandi: sed & cum aliis personis, quæ in quarto simplici, vel mixto gradu inuicem coniunctæ

sunt, & Matrimonium inuicem contrahere cupiunt in futurum; siue quia vir, vel alius aliter non obligatus mulierem nullam dotem habentem dotare, aut vir ipse eam cum dote minus competenti ducere voluerit; seu si locus angustus, & contrahere volentes, aut Nobiles, aut in illis principales fuerint; seu quia ipsi, in Ciuitatibus, seu oppidis insignibus, primarij, paris conditionis personas inuenire nequiverint: vel ubi mulier in propria Terra, Castro, vel loco, virum sibi non attinentem, cui honestè nubere possit minimè inuenerit, & si extra nubere cogeretur, dotem ad id in bonis stabilibus competentem non habuerit, ac etiam pro se dandis inimicijs utriusque parentum, fratrum, cognatorum, vel affinium, ante contractū Matrimonium ex alia causa intercedentibus, & pace ineunda, dispensandi.

Et simili modo, super impedimento publicæ honestatis iustitiæ, ubi sponsalia duntaxat, non tamen malitiosè, intercesserint, necnon super cognatione spiritali de contracto tantum, non tamen inter Leuatum & Leuantem; ut Matrimonium inter se de nouo contrahere, & in facie Ecclesiæ solemnizare, & postquam contractum fuerit, in eo remanere.

Ac pariter cum iis, qui per fornicationem, aut adulterium se poluerint, dummodo in mor-



tem defuncti coniugis quicquam eorum neuter  
 machinatus fuerit, etiam si tales illud carnali  
 copula consumauerint, prolemque exinde sus-  
 ceperint, ipsos similiter ab incestus reatu, & ex-  
 communicationis, aliisque censuris Ecclesiasti-  
 cis propterea incurfis, in forma Ecclesiæ cōsue-  
 ta, iniuncta inde eis pro modo culpæ pœnitentia  
 salutari, & aliis quæ de iure fuerint iniungenda,  
 absoluedi; utque etiam Matrimonium de no-  
 uo inter se contrahere, & ut præfertur solem-  
 nizare, ac pariter in eo remanere, liberè & lici-  
 tè valeant, similiter dispensandi, prolemque  
 exinde susceptam & suscipiendam, legitimam  
 decernendi, ac nuntiandi.

Ad hæc, quæcumque beneficia Ecclesiastica,  
 cum cura, & sine cura, secularia, necnon Clu-  
 niacensis, Cisterciensis, Præmonstratensis, Grä-  
 dimontensis, Fontiseubrandi, & quorumcūque  
 aliorum Ordinum regularia, intra limites tuæ  
 Legationis tantum consistentia, etiam si secularia,  
 dignitates, Canonatus, & Præbendæ, Per-  
 sonatus, Administrationes, vel Officia in Ca-  
 thedralibus, etiā Metropolitanis, vel Collegiatis  
 Ecclesiis, & dummodo dignitates ipsæ in Ca-  
 thedralibus, etiam Metropolitanis, post Ponti-  
 ficales maiores, vel in Collegiatis huiusmodi,  
 principales non sint, aut Parrochiales Ecclesiæ,  
 vel earum perpetuæ Vicariæ: Regularia verò

beneficia huiusmodi, Prioratus, etiam Conuen-  
tuales & Electiui, Prepositura, Prepositatus,  
Dignitates, Personatus, Administrationes, &  
Officia etiam curata, & electiua, aut de iure  
patronatus laicorum, dummodo ipsorum ad hoc  
accedat assensus, & alias qualitercunque qua-  
lificata, ac etiam dispositioni Apostolicæ spe-  
cialiter, vel generaliter reseruata, vel affecta,  
dummodo illorum singulorum fructus, redditus  
& prouentus, viginti quatuor ducatorum auri  
de Camera, verum valorem annuum non exce-  
dere tibi legitimè constet, per obitum, aut alias  
quomodolibet (nō tamen per resignationē) &  
ex quorumcunque personis, extra dictam Cu-  
riam, intra limites dictæ Legationis, siue Pro-  
uinciæ, & locorum eiusdem, antequam egressus  
fueris tantum, vacantia: dummodo illa, quæ per  
obitum vacauerint, ratione familiaritatis, etiā  
continue commensalitatē nostræ, seu alicuius  
Cardinalis viuentis, prædictæ dispositioni re-  
seruata, vel affecta nō fuerint, personis idoneis  
conferendi, ac de illis etiam prouidendi.

Monasteriis tam virorum, quam mulierum,  
Ordinum quorumcunque, Legationis prædictæ,  
quorum tamen fructus, redditus, & prouentus  
viginti quatuor ducatorum similium valorem  
annuum, ut præfertur, verè non excedant, nūc  
& pro tempore vacantibus, de Abbatibus, &  
Abbatissis,



*Abbatissis, siue aliis Prælatiſ, prouidendi.*

*Seu Monasteria, & alia beneficia regularia huiusmodi (non tamen Consistorialia, nec valorem annuum prædictum verè excedentia) commendari solita, vel saltem, commendis de illis antea ad vitam factis tunc cessantibus, vacantia, personis secularibus, per eas quoaduixerint, vel ad tempus tenenda, regenda, & gubernanda; ita quòd liceat eis, debitis & consuetis illorum supportatis oneribus, de residuis illorum fructibus, redditibus, & prouentibus disporre, & ordinare, sicuti illa in titulum pro tempore obtinentes, de illis disponere, & ordinare potuerunt, seu etiam debuerunt, alienatione tamen quorumcunque bonorum immobilium, & pretiosorum mobilium Monasteriorum & beneficiorum regularium commendandorum prædictorū, eis penitus interdicta, commendandi.*

*Quascunque concordias licitas & honestas, ad partium supplicationem, approbandi & confirmandi; omnes & quoscunque iuris & facti defectus, si qui interuenerint, in eisdē supplendi, easque ab omnibus firmiter obseruari debere discernendi.*

*Ac in quibusuis Cathedralibus, etiā Metropolitanis, & Collegiatis Ecclesiis, Canonatus & Præbendas, Dignitates, Personatus, Administrationes, & Officia, necnon Monasteria*

*eam virorum, quàm mulierum, cuiuscunque Ordinis, & prorsus quæcunque alia beneficia Ecclesiastica, cum cura, & sine cura, secularia & regularia, & ut præfertur, qualificata, cum omnibus Iurisdictionibus, & insignibus consuetis, etiam cum eo, quòd in titulum perpetui simplicis beneficij Ecclesiastici erigi nunquam possint, Hospitalia, Confraternitates, & alia Religiosa loca erigendi, & instituendi: ac bona pro eorum dote assignandi, quæ competens sit, perpetuò applicandi, & appropriandi.*

*Necnon in huiusmodi erectis beneficiis duntaxat, iussu patronatus, & præsentandi Ordinario loci personas idoneas, ex fundatione, & dotatione duntaxat, reseruandi ac concedendi.*

*Ac quæcunque Statuta, & Ordinationes licita & honesta, ac sacris Canonibus, Cõciliique Tridentini decretis non contraria condendi.*

*Necnon quibusvis Cathedralium, etiam Metropolitanarum, & Collegiatarum Ecclesiarum Canonicis, aut Dignitates, Personatus, Administrationes, Officia, & alia beneficia Ecclesiastica in eis, non tamen curam animarum parochianorum habentia, obtinentibus, infra trigesimum suæ ætatis annum constitutis, ut literarum studio, in loco ubi illud vigeat generale, insistendo, & actu studendo, omnes fructus, redditus, & proventus suorum Canoniciatum, & Præ-*



bendarum, Dignitatum, Personatum, Administrationum, Officiorum & beneficiorum prædictorum, ad biennium tantum percipere, cum ea integritate, quotidianis distributionibus duntaxat exceptis, cum qua, illos perciperet, si præsentibus interessent, ac ad residendum interim apud illas minime teneantur. Ita tamen ut intra primum annum dicti biennij, ipsi saltem subdiacognatus Ordinem suscipiant, si ratione suorum beneficiorum huiusmodi, ad aliquem, seu aliquos ex sacris Ordinibus promoueri teneantur; eisdemque ut Leges & alia Iura ciuilia, etiam in scholis publicis, usque ad biennium huiusmodi audire, in illis versari & studere, ac ad gradus omnes eius facultatis promoueri liberè & licitè valeant, indulgendi.

Necnon ut virtute & meritis præstantes dignioris nominis titulo decorètur, viros aliquot, quos videris siue Nobilitate, siue gradu & doctrina, ac moribus laudabiles, clericos videlicet in Nostros ac dictæ Sedis Notarios, vel Accolytos, & Capellanos, usque ad numerum duodecim in totum, recepto prius ab eis solito iuramento, & saluis memorati sacri Concilij Tridentini decretis, circa exemptionem ab eodem Concilio sublatam.

Alios verò laicos, in Palatii & Aulæ Nostræ Lateranensis Comites, vel Auratæ Militiæ

Milites, similiter usque ad numerū duodecim, cum insignibus debitis & consuetis, factaque ab eis fidei professione, iuxta formam à Sede prædicta præscriptam, & citra facultatem dispensandi super defectu natalium ad successiones, Ordines, & beneficia.

Necnon publicos Tabelliones, recepto similiter ab eis solito iuramento, usque ad numerum tibi bene visum, creandi, recipiendi, & instituendi, ac eos, aliorū huiusmodi Notariorū, vel Accolytorum, seu Capellanorum, necnon Comitum, vel Militum, ac Tabellionum numero, & consortio, favorabiliter aggregandi; ipsisque, etiamsi Notarij habitum & rochetum non deferant, nihilominus ut omnibus, & quibuscunque privilegiis, honoribus, prærogatiuis, favoribus, gratiis, & indultis, aliis Notariis, etiā de numero participantium, necnō Comitibus, & Militibus cōcessis, sine tamen præiudicio dictorum Notariorum de numero participantium, uti & frui possint, concedendi.

Necnon quibuscunque utriusque sexus Ecclesiasticis ac secularibus, quos ad loca Ecclesiastico interdicto, & Apostolica auctoritate, supposita declinare contigerit, ut in eis, ianuis clausis, non pulsatis campanis, excommunicatis & interdictis prorsus exclusis, dummodo ipsi causam non dederint huiusmodi interdicto,



nec eis id contigerit specialiter interdici, in sua  
 & domesticorum, familiariumque suorum præ-  
 sentia, celebrare, & celebrari facere licite pos-  
 sint, facultatem tribuendi.

Postremo, omnibus utriusque sexus Christi  
 fidelibus verè penitentibus, & confessis, ac sa-  
 cra Communione refectis, qui quascunque secu-  
 lares vel regulares Ecclesias, seu Capellas, in  
 una tantum festiuitate, à primis vespers, usque  
 ad occasum solis eiusdem festiuitatis, deuotè vi-  
 sitauerint, & ibi, pro Christianorum Principum  
 concordia, heresum extirpatione, ac sanctæ  
 Matris Ecclesiæ exaltatione, pias ad Deum præ-  
 ces effuderint, plenariam omnium peccatorum  
 suorum Indulgentiam, & remissionem miseri-  
 corditer in Domino pro una vice tantum, con-  
 cedendi, necnon eisdem utriusque sexus Christi  
 fidelibus qui verè penitentes & confessi, vel  
 confitendi propositum habentes Ecclesias, seu  
 Capellas prædictas, aliquo die festo vel Domi-  
 nico semel annuatim visitauerint, & ut præ-  
 fertur, orauerint, quo ex diebus prædictis id pro  
 tēpore fecerint, decem annos, & totidem, Qua-  
 dragenas, de iniunctis eis seu quæ meritò iniun-  
 gi debuissent, aut alias quomodolibet debitis pe-  
 nitentiis, in forma Ecclesiæ consueta, relaxadi.  
 Ita tamen ut relaxatio huiusmodi semel tantum  
 pro una Ecclesia, vel Capella annuatim fiat, &

per quinquennium solum debeat perdurare.

Necnon vota quaecunque Ultramarina, visitationis liminum Apostolorum de Urbe, sancti Iacobi in Compostella, ac Castitatis & Religionis votis duntaxat exceptis, in alia pietatis opera commutandi.

Ac etiam omnibus & quibuscunque personis Ecclesiasticis, & Prælati, ut de bonis & rebus Ecclesiasticis, iuxta formam in Quinterno Cancellariæ Apostolicæ annotatam, & usque ad summam inibi descriptam, testari & disponere liberè & licitè valeant, facultatem cōcedendi.

Et ut concessiones gratiæ & Literæ per Te, vigore præsentium, concedendæ, sublatis obstaculis suum sortiantur effectum, quascūq; personas, ad effectū omnium & singulorū præmissorū duntaxat consequendū, ab omnibus & quibuscunque excommunicationis, suspensionis, & interdicti, aliisque Ecclesiasticis sententiis, censuris & pœnis, à iure vel ab homine, quavis occasione, vel causa latis, si quibus quomodolibet innodati fuerint, dummodo in eis per annum non inforduerint, absolventi, & absolutos fore censendi.

Vicēsque tuas in præmissis siue singulis committendi, Iudices, Assistentes, Commissarios, & Executores, pro prædictorum, & Literarū



tuarum executione, & obseruatione, delegandi.

Mandata, prohibitiones, & monitoria, etiā sub censuris, & aliis pœnis prædictis, ceterisq; tibi beneuisis remediis, etiam appellatione postposita, decernendi: ac omnia & quæcunq; alia, in præmissis, & circa ea necessaria, & quomodolibet opportuna faciendi, decernendi, & exequendi; etiam per alium seu alios, Apostolica auctoritate prædicta, tenore præsentium, plena & liberam facultatem concedimus, & indulgemus.

Decernentes Te, omnibus facultatibus, & concessionibus prædictis, etiam cum derogationibus, suspensionibus, Indultis irritantibus, aliisque decretis, & clausulis necessariis, & opportunis, ac in Literis Apostolicis concedi & extendi solitis, in prædicto Regno commorādo, ac etiam (excepta dicta facultate conferendi beneficia, & de bonis Ecclesiasticis testandi) redeundo, in quibuscunque partibus, Regnis, Prouinciis, Terris, Ciuitatibus, & locis huiusmodi, & cum personis illorum, ac etiam alienigenis undecunque ad Te venientibus, necnon familiaribus tuis liberè & licitè uti posse, ac in concessionibus, prouisionibus, & aliis dispositionibus, etiam de beneficiis aliisque gratiis, per Te, auctoritate præsentium, tuæque Legationis

faciendis, soli narratiuæ tuæ, ac etiam solis cō-  
 cessionibus, & Literis tuis, absque alia præsen-  
 tum insertione, seu exhibitione, aut Notarij,  
 testiūve adhibitione stari, nec ad id alterius  
 probationis adminiculum requiri, sicque per  
 quoscunque Iudices ordinarios, & delegatos,  
 etiam causarū Palatij Apostolici Auditores, ac  
 S. R. E. Cardinales, in quavis causa & instā-  
 tia, sublata eis, & eorum cuilibet, quavis aliter  
 iudicandi, & interpretandi facultate & au-  
 ctoritate, ubique iudicari & diffiniri debere,  
 irritum quoque & inane, si secus super his à  
 quoquam, quavis auctoritate, sciēter vel igno-  
 ranter, attentari contigerit.

Non obstantibus defectibus, & aliis prædi-  
 ctis, necnon dictis Literis in die Cœnæ Domini  
 legi consuetis, & aliis Constitutionibus, & Or-  
 dinationibus Apostolicis, præsertim quibus  
 absoluendi facultas, in certis tunc expressis ca-  
 sibus, ita specialiter Romano Pontifici pro tem-  
 pore existenti reservatur, ut vel etiā si similes,  
 vel dissimiles absoluendi, & dispensandi, ac  
 rehabilitandi, & abolendi facultatum huius-  
 modi concessiones, nisi de illis expressa mentio  
 aut specialis derogatio fiat, quicquam suffraga-  
 i valeāt, & quorumcunque Conciliorū etiam  
 generalium, Prouincialium, & Synodaliū,  
 necnon piæ memoriæ Bonifacij Papæ VII I.  
 etiam



etiam prædecessoris nostri, de vna, & Concilij  
 generalis de duabus dietis, alijsque Apostolicis,  
 ac in Prouincialibus & Synodalibus Concilijs  
 editis generalibus, vel specialibus Cõstitutioni-  
 bus, & Ordinationibus, necnõ Cæcellariæ Apo-  
 stolicæ regulis, nullis prorsus exceptis, & quæ  
 sigillatim in quaque re exprimi & extendi pos-  
 sint, Statutis quoque, & Consuetudinibus Ec-  
 clesiarum, Monasteriorum, Ordinum, etiam  
 Cluniacensis, Cisterciensis, Præmonstraten-  
 sis, Grandimontensis, Fontiseubrandi, &  
 Congregationum, siue Institutorum, Capitulo-  
 rum, Conuentuum, necnon Vniuersitatum, Col-  
 legiorum, Ciuitatum, & locorum quorumcun-  
 que iuramento, confirmatione Apostolica, vel  
 quauis firmitate alia roboratis, etiam si de illis  
 seruandis, & non impetrandis Literis Aposto-  
 licis contra illa, & illis etiam, ab alio vel alijs  
 impetratis, seu alijs quomodolibet concessis nõ  
 utendo, illarum personæ præstiterint eatenus,  
 vel in posterum forsã eadem præstabunt, præ-  
 stare contigerit iuramentum, ac quibusuis Pri-  
 uilegijs & Indultis Apostolicis generalibus &  
 specialibus, illis, eorũque Superioribus, Con-  
 uentibus, & personis quomodolibet concessis,  
 ac alijs omnibus, quæ in præmissis quouis mo-  
 do obstare videantur, quæ quo ad hoc nullate-  
 nus cuiquã in aliquo suffragari volumus: hisq;

omnibus ac cæteris contrariis quibuscunque,  
 ubi & quando expediet, secundum rei & casus  
 exigentiam, in genere & in specie, ac tam con-  
 iunctim quàm diuissim, prout tibi placuerit, va-  
 leas derogare & super eis indulgere: Quòdque  
 aliqui super prouisionibus, seu commendis sibi  
 faciendis de huiusmodi, vel aliis beneficiis Ec-  
 clesiasticis, in illis partibus, speciales vel gene-  
 rales dictæ Sedis, vel Legatorum eius Literas  
 impetrarint, etiam si per eas ad inhibitionem, re-  
 seruationem, & decretum, vel aliàs quomodo-  
 libet sit processum, quibus omnibus personas, in  
 quarum fauorem per Te, de beneficiis prædictis  
 prouidebitur, aut aliàs disponetur, in eorum as-  
 secutione, volumus anteferri: sed nullū per hoc  
 eis, quoad assecutionem beneficiorum aliorum,  
 præiudicium generari: seu si locorum Ordina-  
 riis collatoribus, ac prædictis, & quibusuis aliis,  
 communiter vel diuissim, ab eadem sit Sede in-  
 dultum, quòd ad receptionem, vel prouisionem  
 alicuius minimè teneatur, & ad id compelli, aut  
 quòd interdici suspendi, vel excommunicari nō  
 possint: Quòdque de huiusmodi vel aliis benefi-  
 ciis Ecclesiasticis, ad eorum collationem, proui-  
 sionem, præsentationem, electionem, seu quāuis  
 aliam dispositionem, coniunctim vel separatim  
 spectantibus, nulli valeat prouideri, seu com-  
 menda fieri, per Literas Apostolicas non facie-



tes plenam, & expressam, ac de verbo ad verbū,  
de indulto huiusmodi mentionem, & qualibet  
alia dictæ Sedis indulgentia generali, vel spe-  
ciali, cuiuscunq; tenoris existat, per quam præ-  
sentibus, necnon Literis per Te, earundē vigore,  
concedendis, nō expressam, vel omnino non in-  
sertam, effectus earum impediri valeat quomo-  
dolibet, vel differri; & de qua, cuiusque toto  
tenore habenda sit in eisdem Literis mentio spe-  
cialis.

Volumus autem ut præsentium transumptis,  
etiam impressis, manu Regētis Cancellariæ tuæ,  
ac sigillo tuo obsignatis, eadem illa prorsus fides  
in iudicio, & extra illud, ubique locorum adhi-  
beatur, qua adhiberetur, eisdem præsentibus, si  
essent exhibitæ vel obstenſæ.

DATVM Romæ apud sanctū Petrum, An-  
no incarnationis Dominicæ, millesimo, quin-  
gentesimo nonagesimo secundo; Decimo septimo  
Kal. Maij, Pontificatus nostri Anno primo.

Signat. G. Bastonus Prodatarius.

M. Vestrius Barbianus.

Super plicam. A. de Alexiis.

Et à tergo. Registrata apud Marcellum Se-  
cretarium. Firmata bulla plumbea sub  
cordula canapis.

D ij

Registrées, ouy, & ce consentant le Procureur general du Roy, pour en vser par ledict sieur Cardinal de Plaisance, selon & ainsi qu'il est contenu en icelles, sans preiudice toutesfois des auctorité & Iurisdiction Royale & liberté de l'Eglise Gallicane. A Paris, en Parlement le 27. iour d'Octobre, l'An 1592.

*Signé,*

DV-TILLET.



## *Extrait du privilege.*

**P**A R privilege donné & octroyé, par  
Messieurs du Conseil general de la  
sainte Vnion des Catholiques, A  
Rolin Thierry Imprimeur, Il luy est  
permis d'imprimer tout ce qui peult concerner  
l'Estat public & affaires de France, & qui sera  
ordonné & procedera d'iceluy Conseil. Et sont  
faictes defences à tous autres Libraires & Im-  
primeurs, de les imprimer ou faire imprimer,  
ny exposer en vente, sur peine de confiscatiō des  
exemplaires, & d'amende extraordinaire, ainsi  
que plus à plein est contenu par ledict Priuilege.  
Donné à Paris le 18. Avril, 1589.

Signé,

SENAVLT.





Le Present  
Livre appartient  
A Son Maître qui  
Baward

